

*MASTER
NEGATIVE
NO. 92-80667-7*

MICROFILMED 1992

COLUMBIA UNIVERSITY LIBRARIES/NEW YORK

as part of the
"Foundations of Western Civilization Preservation Project"

Funded by the
NATIONAL ENDOWMENT FOR THE HUMANITIES

Reproductions may not be made without permission from
Columbia University Library

COPYRIGHT STATEMENT

The copyright law of the United States -- Title 17, United States Code -- concerns the making of photocopies or other reproductions of copyrighted material...

Columbia University Library reserves the right to refuse to accept a copy order if, in its judgement, fulfillment of the order would involve violation of the copyright law.

AUTHOR:

NACHE, A. F.

TITLE:

DE THEOCRITO PRINCIPE

PLACE:

BONNAE

DATE:

1828

Master Negative #

92-80667-7

COLUMBIA UNIVERSITY LIBRARIES
PRESERVATION DEPARTMENT

BIBLIOGRAPHIC MICROFORM TARGET


Original Material as Filmed - Existing Bibliographic Record

BKS/SAVE Books FUL/BIB NYCG92-B37779 Acquisitions NYCG-PT
Record 1 of 0 - SAVE record
+
ID:NYCG92-B37779 RTYP:a ST:s FRN: MS: EL: AD:06-12-92
CC:9668 BLT:am DCF:? CSC:? MOD: SNR: AIC: UD:06-12-92
CP:gw L:lat INT:? GPC:? BIO:? FIC:? CON:???
PC:s PD:1828/ REP:? CPI:? FSI:? ILC:???? I1:?
MMD: OR: POL: OM: RR: COL: EML: GEN: BSE:
040 NNC+cNNC
100 1 Nache, A. F.
245 10 De Theocrito principe et inventore poetei bucolicae+h[microform].
260 Bonnae,+c1828.
300 8 p.
LDG ORIG
QD 06-12-92

Restrictions on Use:

TECHNICAL MICROFORM DATA


FILM SIZE: 35 mm REDUCTION RATIO: 13X
IMAGE PLACEMENT: IA IIA IB IIB
DATE FILMED: 8/19/92 INITIALS M.D.C.
FILMED BY: RESEARCH PUBLICATIONS, INC WOODBRIDGE, CT




AIM

Association for Information and Image Management


1100 Wayne Avenue, Suite 1100
Silver Spring, Maryland 20910
301/587-8202




Centimeter



Inches



MANUFACTURED TO AIM STANDARDS
BY APPLIED IMAGE, INC.



88731
DZ6

1108

A. F. Reche: De Theocrito principe inventore poëtis bucolicæ.

ACADEMIAE RHENANAE

RECTOR ET SENATUS

CIVIBUS S.

De Theocrito, poeta bucolico, et quae fuerint poësis bucolicae primordia, tum de Bionis et maxime Moschi aetate, quaestio est a viris doctis, qui multi in hoc amoeno argumento elaboraverunt, saepius tractata, confecta atque absoluta, quod equidem sciam, a nemine. Quare mihi nunc liceat, quid ea de re sentiam, in publicum proferre, etiam vestram in gratiam, Commilitones ac Sodales, qui me nuper hoc caput explicantem audivistis, et videbimini delectari explicatione mea.

Igitur haud cunctanter iis accedo, qui Theocritum et principem esse statuunt et inventorem poësis bucolicae. Commendat eam sententiam Suidas v. Θεόκριτος — Ἰστέον δὲ ὅτι τρεῖς γεγόνασι Βουκολικῶν ἐπῶν ποιηταί, Θεόκριτος οὐτοσί, Μόσχος Σικελιώτης, καὶ Βίων ὁ Σμυρναῖος, ἐκ τινος χωριδίου, καλουμένου Φλώσσης. Idem, de Moscho: οὗτός ἐστιν ὁ δεύτερος ποιητὴς μετὰ Θεόκριτον, τὸν τῶν Βουκολικῶν δραμάτων ποιητήν. Utrobique *secundum* dicit, quem debuerat *tertium*: nam Bio prior fuit Moscho. Collectio Musarum bucolicarum illa, in quam epigramma exstat Artemidori Grammatici, utrum sola Theocritea, hoc est, ea fere, quae nunc sub nomine feruntur Theocriti, an praeter Theocritum complexa sit alia, dubium est: si etiam alia, non dubito quin ea Bionis fuerint Moschique carmina. Sed quò facile se ipsa commendat sententia illa, hoc est, quod de nullo poeta bucolico ante Theocritum constat. Inventor rei, nisi ea res per se talis sit, ut magnam sibi antiquitatem originemque valde remotam postulet, merito is habetur, quo nullus reperitur antiquior ac prior inventor. Iam vero has vitae pastoritiae descriptiones, quibus illa Theocriti carmina, quae proprie dicimus bucolica, continentur, quamquam eius generis color et fermo dialectusque etiam ad alia argumenta, e. g. epica, iam ab ipso, ut videtur, Theocrito adhibiti sunt; non ad priscorum hominum ingenium sensumque factas, sed aevo proprias esse, ut sunt diversae populorum aetates, in peiorem partem converso luxuriaque diffuente, quum homines saepe aliquo abundantiae voluptatisque taedio capti

aliunde imaginem simplicitatis revocare et repraesentare sibi, eoque titillare suos animos student: et alii dudum, si recte memini, senserunt, et ego ita persuasum habeo, vix ut potuisset ante Theocriti saeculum excogitari talem poesin putem. Ne quis enim Sophronem Theocrito praevisse hoc totum genus dicat, ars Sophronis, ut constat disertis veterum auctorum testimoniis, et colligere ex minutis illis fragmentis, inscriptionibusque singulorum mimorum licet, tota in moribus, non certi cuiusdam hominum ordinis, sed variorum, exprimendis, et in dialogo versabatur: ut, exemplum si quaeras, quo mimorum Sophronis natura explicetur atque illustretur, nihil facile invenire queas, quo ille propius accesserit, quam comoediam. Ad hanc autem speciem, praeter carmen decimum quartum, in quo est ubi Sophronem audire tibi videaris, unum est inter omnia Theocriti carmen elaboratum, Adoniazusae.

Quae ipsi pastores ac rustici cecinere graeci, quod quando sit coeptum fieri, et ubi, inepte quaerunt grammatici, quorum de genere bucolico disputationes exstant, graeci, itemque Servius, alii, siquidem prima carminis bucolici origo tam remota est, ut omnem inquisitionem defugiat, occasiones autem, dies festi, sollemnia, quibus publice canentes pastores aut rustici audiebantur, in variis terris, et apud varia oppida vicosque, fuere variae; quae igitur multis ante Theocritum faeculis pastores tum alibi canere consueverant, tum in Sicilia, et in Sicilia fortasse aliquanto frequentius, quam aliis in terris, etsi hanc totam rem ad Siciliam referri nolim, et quod *Siculum* hic illic appellatur carmen bucolicum, magis propter Theocritum fieri, Syracusanum, quam aliis de caussis, censeo: longe maximam partem prorsus rudia, incondita, et qualia expectares ab hominibus istiusmodi, erant; aut si forte diebus festis carmen aliquod paullo politius cecinerint, id a poeta quopiam in gratiam pastorum, ac pastorum in usum, factum fuisse probabile est. Ut sunt fatis culti versus: *Δέξαι τὰν ἀγαθὰν τύχην, δέξαι τὰν ὑγίαν*, et qui sequitur, qui tamen quam sint vetusti, et an superent aetatem Theocriti, incertum est. At *poesis bucolica*, quae in descriptione moris pastoritii atque in imitatione carminum pastoritiorum artificiosa posita est, nulla fuit, antequam in artem redacta a poetis, qui non erant pastores, in manus veniret omnium. Atque hoc est, quod negamus factum esse ante Theocritum.

Qui ante Theocritum poetae bucolici commemorantur, vel quorum mentionem apud scriptores antiquos invenire sibi visi sunt nonnulli, omnes accurata inquisitione aut iam amoti, aut sunt amovendi. Daphnis primo, ut eos omittam, quos non sine manifesto errore huc referas, ut Diomum, quem Athenaei locus non satis recte, acceptus poetam fecit bucolicum: Daphnis totus fabula

est. De Stefichoro Aeliani locum Var. Hist. X. xviii. auctoris parum diligentis, sed tamen non temere contemnendi, apponam integrum, ut appareat aliud inesse, si recte intelligatur, veri. Narrat Aelianus fabulam Daphnidis, notam illam, tum pergit: *ἐκ δὲ τούτου τὰ βουκολικὰ μέλη πρῶτον ἤσθη, καὶ εἶχεν ἐπὶ δεσιν τὸ πάθος τὸ κατὰ τοὺς ὀφθαλμοὺς αὐτοῦ. καὶ Στησίχορον γε τὸν Ἱμεραίων τῆς τοιαύτης μελοποιίας ἀπάρξασθαι*. Summa loci, ac verum, ut credere licet, hoc est, quod dudum perceperunt viri docti: primum Stefichorum cecinisse Daphnim. Hoc erraverunt, aut ipsi, aut Aelianus, quamquam error iste non diserte inest in verbis Aeliani, inventorem carminis bucolici esse Stefichorum. Quippe aliud est, celebrem quendam *βουκόλον* inferre in poesin; aliud, poetam esse bucolicum. Sic alios etiam poetas, ubi fabula ferebat, pastores immiscuisse poematis suis, et si immiscuerunt, ea fere loquentes immiscuissent, quae pastores loquuntur Theocriti, suspicor: certe mirum, si non factum esset. Veluti Cyclopem Philoxeni quis similem fuisse rudi illi Theocriteo Cyclopi, aut saltem potuisse similem esse neget? Itaque his et similibus prolusum est quodammodo poesi bucolicae, ita tamen, ut laus novi generis inventi maneat apud Theocritum.

At veri rivaes atque ἀγωνισταὶ contra Theocritum existunt hi: Lycidas Cydonius, Sicelides, h. e. Asclepiades Samius, Philetas Cous. Quos poetas bucolicos fuisse, aequales Theocrito, vel etiam ante Theocritum, et fuerunt viri docti qui statuerent, neque ego quid statui possit aliud video, nisi fides derogetur, idoneo tamen testi, Moscho Epitaph. Bionis, v. 94. seqq. Qui diserte *βουκολιαστὰς* hos tres poetas, quos dixi, appellat, eosque lugere, cum Theocrito Syracusano, Bionis mortem dicit. Quid his fiet? Nescio quid existiment alii. Ego illud nunquam credam. Quid enim? De Lycida poeta quis unquam quicquam audivit? Est Lycidas, caprarius et poeta, apud Theocritum carmine septimo, sed persona poetica, ut aliae multae apud Theocritum; ut Lycidas Bionis, Epithal. Achill. et Deid. Asclepiadem et Philetam poetas novimus omnes; bucolicos nemo novit: nisi de Asclepiade aliquid vanae Reiskii in Meleag. carm. I. 45. 46. opinionioni tribuas. Grave inprimis Theocriti ipso illo carmine septimo v. 40. testimonium est, utrumque commemorantis, et Sicelidam, qui est Asclepiades, et Philetam. Iam quid ibi Theocritus? num poetas eos fuisse bucolicos significat? Minime vero. Commemorat eos tamquam poetas simpliciter. Neque graecis ad eum locum interpretibus quicquam de Asclepiade et Phileta bucolicis in mentem venit. Deinde, quod ex Moschi loco efficitur, mortuum Bionem ante Theocritum esse, et aequalem Theocrito Moschum fuisse, tum aliis de caussis parum simile veri est, tum pugnat cum luculento Suidae testimonio, qui Moschum *γνώριμον* tradit Aristarchi

fuisse. Iam Aristarchus regnante Ptolemaeo Philometore vixit; Theocritum vero temporibus Ptolemaei Philadelphi floruisse constat.

Enimvero non est iste Moschus, qui tam inaudita canit. Versus sex, quibus ista continentur, 94. et qui sequuntur, quantum librorum attinet auctoritatem, tam suspecti sunt, quam qui maxime: ut semper miratus sim tum aliorum, tum maxime Valckenarii confidentiam, qua ille his propugnavit pro versibus levissimae auctoritatis, ad Epitaphium Bionis seorsum editum cum Iliadis libro XXII. pag. 81. et in sua Bucolicorum editione. Verum Valckenarium Scaliger, Scaligerum confidentem fecerat impudentia, non vereor, enim impudentiam dicere, Mureti. Nimirum, quae saepe virorum magnanimatorum fors est, ut inermes deprehendantur, et opprimantur, si quis eos malis artibus aggrediatur, Scaligero Muretus tamquam malus genius additus, et alio tempore fraudem fecit, et Moschi codicem mentitus est, qui codex aut nullus usquam fuit, aut, quum vetustissimum diceret Muretus, longe fuit recentissimus. Nunc ego novis argumentis plane non posse genuinos esse versus istos demonstro. Ergo deleantur. Evanescent poetae bucolici Lycidas, Asclepiades, Philetas, et Moschus rursus suam in ordine temporum sedem occupat. Nam ut locum Moschus scriptum reliquerat, versus qui vulgo centesimus est, ἐν δὲ Συρακοσίοισι Θεόκριτος, aliam sententiam efficiebat, quam nunc facit receptis versibus Musuri sex. Enumeratio erat poetarum bucolicorum, hunc in modum: *Tu, Bion, facile omnes poetas superavisti, princeps carminis bucolici, quo Smyrnae excelluisti: eodem apud Syracusanos Theocritus; ego vero, tertius, discipulus tuus, heresque artis tuae, carmine Ausonio parento tibi.* Theocriti obiter ac breviter mentionem facit, et ita, ut primaria laus maneret penes Bionem, quamquam non puto tantum ausum esse Moschum, ut etiam inventionem poesis bucolicae Bioni attribueret. Igitur posthac eum Moschus in historia litterarum graecarum locum obtinebit, quem illi assignat Suidas. Ac videant viri eruditi, an lucrum fecerimus sic posita et constituta Moschi aetate. Docent Bio et Moschus, praeclaro exemplo, aetatem illam quamvis feram atque infelicem, carmina tamen ferre politissima, versus elegantissimos, potuisse.

Denique, quae nova erit sententiae nostrae commendatio, secundaria quidem, grata tamen, docebimus, unde is, qui versus istos fecit supposuitque Moscho, quem quidem ego cum aliis Marcum Musurum esse puto, celebrem suo tempore poetam graecum, ut ex Boernero disci potest, et fortasse etiam epigrammatis in novem Lyricos, quod primus Zach. Calliergus edidit, praepositum Pindaro suo, auctorem: certe antiquum non est: e quibus igitur Musurus fontibus sua derivaverit. Laboravit autem non multum: hausit enim tantum non omnia ex Theocriti

carmine septimo. Primum ex eo Lycidam Cydonium, Sicelidam, Philetam, desumpsit: bucolicos fuisse, de quo nihil in carmine illo legitur, addidit de suo, ut etiam ipse suo Marte ac periculo aequalem Moscho Theocritum fecit. Deinde, quae iam observata esse Longopetraeo p. 445. ed. Schwebel. video, πάντες ὅσοις καπνὸν τελέδει στόμα — ἐκ Μοισῶν, nam sic construi verba voluisse Musurum probabile est; et ὁ πρὶν μειδιῶντι σὺν ὄμματι, de Lycida, ex eodem carmine septimo Theocriti: illud ex versu 37. καὶ γὰρ ἐκ Μοισῶν καπνὸν στόμα; hoc ex v. 20. ὄμματι μειδιῶντι, coll. v. 42. 128. Porro Halenta fluvium in Co insula fecit, partim propter Theocrit. carm. V. v. 123. sed magis propter carminis septimi versum 1. et propter scholia graeca ad eos locos; itidem quum πολίταις scripsit Τριοπίδαις, Coos intelligi voluit, a Triope, rege Coe, de quo testimonium ante oculos habebat schol. Theocrit. XVII. 68. βακολιασταὶ vocabulum ex Theocr. V. v. 68.

Haec fere annotaveram, quum primum hanc mecum disquisitionem institui. Nuperrime, conscripturus leviter ante adumbrata, dum varias Bucolicorum editiones perlustro, an forte, quod ad rem meam faceret, novum aut neglectum a me antea, vel adeo, quod facile posse fieri existimabam, occupatas ab alio observationes meas invenirem, incidit in manus Theocritus Zachariae Calliergi, quo egregie confirmari opinionem meam intellexi. Ac paene plenius confirmatam repperi quam expetiveram. Quam diu enim incertum per auctoritatem testium videbatur, utrum versus istos Musurus ex aliquo codice protulisset, an Moscho supposuisset ipse, poteram in sinu gaudere, meamque mihi sagacitatem gratulari, quod unus, quos tot viri eruditi aut patienter tulissent, aut studiose defendissent atque commendavissent, necessario esse spurios scirem. Nunc, postquam testimonium protulero Calliergi, nemini amplius tueri istos licebit. Zacharias enim Calliergus, qui primus hos versus, quantum nobis compertum est, vulgavit, breviter, sed perspicue, Musuri versus esse, neque id negare Musurum fraudemque facere voluisse testatur. Apponam totum locum, ut editus legitur apud Calliergum, inde a versu 93.

εἰσέτι σεῦ τὸ μέλισμα κινύρεται ἃ μυτλάνα.

Μάρκος ὁ μουσοῦρος, ἔλεγε τοιαῦ

τάτινα λείπειν.

✕ πάντες ὅσοις καπνὸν τελέδει στόμα βακολιασταὶ,
ἐκ μοισῶν σέο πότμον ἀνακλαίουσι θανόντος.
κλαίει σικελίδας τὸ σάμου κλέος ἐν δὲ κύδωσιν,
ὁ πρὶν μειδιῶντι σὺν ὄμματι φαιδρὸς ιδέσθαι,

δάκρυα νῦν λυκίδας κλαίων χέει· ἐν τε πολίταις
τριοπίδαις ποταμῷ θρηνῇ παρ' ἄλεντι φιλητᾶς. X.
ἐν δὲ συρακοσίοισι θεόκριτος· αὐτὰρ ἐγώ τοι

et quae seq. Neque editores Theocriti antiquiores, qui proxime Calliergum exceperunt, ea res latuit: repetierunt versus istos, sed prudenter addiderunt admonitionem Calliergi, Basileensis per haered. Andr. Cratandri 1541. tum, quod ex I. A. Iacobsii, viri amicissimi, Praefatione p. XXXIX. disco, Francofurtensis P. Brubach. 1545. et, quae mihi praesto est, gemina illi, Francofurtensis P. Brubach. 1553. itemque Genevenses, ea, quam describunt Harlesius Introd. Hist. L. Gr. T. I. p. 515. Bibl. Gr. Fabric. Vol. III. p. 786. Iacobsius Praef. p. XLVI. et recentior, sumptib. Ioannis de Tournes 1639. Stephanus vero sapientissime, in Poetis Graecis Principibus heroici carminis, versus Musuri in appendicem p. 487. relegavit, locum Moschi ipsum p. 273. lacunae signis notatum exhibuit, atque haec monuit in margine: Τὸν στίχον οἷς ὁ μουσοῦρος τὰ λείποντα ἀνεπλήρωσε, ζήτει κατὰ τὸ τέλος τούτων τῶν εἰδυλλίων. in editione autem minore a. 1579. adscripti ad interpretationem latinam Eobani Hessi leguntur p. 375. cum simili admonitione. At recentiores Bionis et Moschi editores, ac recentissimi, aut nullam harum editionum, quae istam exhibent admonitionem, viderunt, quod tamen vix credibile est; aut eam neglexerunt, quam unde profecta esset ignorarent; aut, quum scirent a Calliergo profectam esse, nescio quo casu noluerunt tantum ei tribuere, quantum tribuendum erat auctori antiquissimo ac locupletissimo.

D. Bonnae, prid. Nonas Martii, CIOCCCCXXVIII.

